

VERITABLE
RELATION DES
IVSTES PROCEDVRES
obseruées au fait de la possession des
Vrsulines de Loudun, & au procès de
Grandier. . .

1634.

Par le R. P. Tr. R. C.



A PARIS,
Par JEAN MARTIN, demeurant sur le
Pont Sain& Michel à l'Anchre double.

M. DC. XXXIV.

VERITABLE

TOUTAT-ON-DES

LES PROPRIETES

DE LA VILLE

DE LA VILLE

DE LA VILLE

DE LA VILLE

DE LA VILLE

DE LA VILLE

DE LA VILLE

DE LA VILLE

DE LA VILLE

DE LA VILLE

DE LA VILLE

DE LA VILLE

DE LA VILLE

DE LA VILLE

DE LA VILLE

DE LA VILLE



VERITABLE RELATION

des iustes procedures observees au fait de la possession des Vrsulines de Loudun, & au procès de Grandier.



L'HISTOIRE des filles possedees de Loudun, est la plus memorable, & la plus celebre en ce genre qui se soit passée en plusieurs siecles; L'Enfer se voyant en ce lieu-là reduit au desespoir par la cheute de l'Herésie, & ne pouuant empescher que la verité Catholique ne triomphe de l'erreur a voulu faire vn second effort pour mettre la magie en credit; afin de vomir la rage avec plus de liberté contre le Ciel, & contre les Innocens.

Il semble que cette ville est fatale & funeste en ce qu'elle a esté le lieu, ou le malin Esprit a conçu ses pernicipieux desseins pour l'herésie & pour la magie: Et n'est-ce pas encore dans la mesme ville où les diables se sont assemblez pour faire la guerre à Dieu par la magie, & se preualoir des charmes & des malefices

contre les personnes qui luy sont les plus
chères.

Mais sa bonté qui ne permet jamais le mal,
que pour en tirer vn plus grand bien, & ne dô-
ne licence à la malice des Demons, que pour
les faire seruir à sa gloire, a destruit le se-
cond conseil aussi bien que le premier; Et a
choisi le Roy pour l'execution de ses volontez,
& pour l'accomplissement de son œuvre, com-
me n'y ayant personne à qui touche de plus
ptez de combattre l'heresie & la magie, que
celuy qui le represente le mieux par l'emi-
nence de son pouuoir, & qui l'imite plus par
faitement par le merite de sa Iustice & de
sa Sainteté.

C'est ce qui nous fait dire avec assurance
que ceste seconde entreprise est vne œuvre
de Dieu aussi bien que la premiere. Puis que
c'est l'œuvre du Roy. Mais outre ce princi-
pe qui doit arrester les esprits iudicieux en
l'adueu de cette verité, il y a encore vne in-
finité de raisons & d'experiences qui nous
obligent de la croire; Et qui vouldra exami-
ner les preuues de la possession, & les équi-
tables procédures de l'Eglise contre les dia-
bles, Et de la Iustice contre le Magicien; Il
sera, ie m'assure, contrainct de confesser

que le Ciel y a presidé, & que le doigt de Dieu y est. On peut mesmes assez iuger par les violentes contradictions qui se sont esleuées contre cette affaire de la part des interessez & des incredules que Dieu en veut tirer vn grand aduantage pour la gloire, parce que les diables ne seroient pas si alarmés pour tenir la possession dans le decry, s'ils ne pensoient perdre beaucoup en sa generale approbation.

○ Ce n'est pas mon dessein de faire l'Histoire, qui contiendra des Volumes; Elle verra le iour en son temps: Cet escrit n'est qu'un Auant-coureur qui vous porte les premieres nouuelles de ce qui s'est passé iusques à present, non pour faire les remarques des choses en particulier, mais seulement pour donner satisfaction aux esprits touchant les iustes procedures de l'Eglise & de la Iustice.

○ C'est vn fait auéré que les Religieuses Ursulines de Loudun ont esté depuis deux ans affligées d'un malefice le plus estrange dont on ait encore ouy parler, comme font foy les informations du procez contre Grandier. Ces bonnes Religieuses receuës depuis huiet ans en cette ville, pour le bien public, instruisoient la ieunesse, & donnoient vne bonne odeur de vertu par leur exemple; Elles

auoient grand nombre de pensionnaires , &
 faisoient vn grand progresz pour leur entier
 establisement; Et voicy que par vn malefice
 qui leur fut donné, dans lequel l'enfer auoit
 pressé tout son venin; Elles furent reduites en
 vn estat si deplorable que c'eust esté manquer.
 ie ne dis pas de charité, mais d'humanité: mes-
 me de n'estre point touché de compassion;
 Car hélas! quelle furieuse affliction à ces pau-
 ures filles, consacrées à Dieu, d'estre presque
 toutes en mesme temps possédées. ou obse-
 dées, & en suite delaisées de la pluspart de
 leurs parens, priuées de filles, de pensions, &
 commodités; de se voir dans la necessité, redui-
 tes à gagner leur vie par le trauail de leurs
 mains comme font les pauvres femmes non-
 obstant les horribles vexations qu'elles souf-
 froient de leurs demons. Et pour comble de
 leur malheur passer au iugement du monde
 pour fourbes & pour folles, comme si le crime
 & la folie (qui sont incompatibles en vn mes-
 me sujet) eussent conspiré ensemble à la mise-
 re de ces filles, aussi bien qu'ils conspirerēt à la
 Passion de Iesus-Christ, duquel elles sont les
 seruantes, signe manifeste de la rage de l'En-
 fer, qui les ayant frappées d'vn mal extraor-
 dinaire leur vouloit oster le remede.

Ce fut lors que Dieu, qui tenoit tousiours les ames de ses Espouses entre ses mains pour les conseruer en sa grace, regarda leur affliction d'un œil favorable, & leur prepara vn puissant secours, liant au dessein de sa Prouidence pour cét effect, la Commission que le Roy donna à Monsieur de Laubardemont, Conseiller en ses Conseils, pour démolir la Citadelle de Loudun. Car ce fut durant le temps de cét employ qu'il eut loisir de voir & de considerer l'estat calamiteux de ces filles: Ce qui le fit resoudre d'en donner aduis au Roy, iugeant bien que les demons ne pourroient estre chassés qu'à coups de Sceptre & que la Crosse ne seroit pas suffisante pour rompre la teste à ce dragon, qui auoit ietté son poison contre des ames innocentes.

Sa Majesté n'eut pas plus de peine à se resoudre d'embrasser cet affaire & de la rendre sienne, que le Soleil à nous communiquer ses rayons, & le feu sa chaleur; Car la Clemence, & la Pieté sont de tres-nobles habitudes, que ie puis nommer les propriétés surnaturelles de son ame, qui luy viennent du Ciel. Il n'eut pas aussi plus de peine au choix de la personne à qui il la deuoit commettre, trouuant en celle de Monsieur de Laubardemont toutes les

qualitez requises pour employer dignement son autorité en vn subiet de si grande importance; Car outre qu'il s'est exercé en ces matieres dans les Cours Souueraines, où il a tenu les premiers rangs, son zele à l'honneur de Dieu & de l'Eglise (piece requise en toute action de Iustice, mais sur tout au fait de la Magie & de l'heresie) sa prudence qui le rend retenu & discret en ses actions & les cognoissances particulieres que desia il auoit de l'estat de cét affaire firent esperer à sa Majesté qu'il receuroit de son seruice tout le contentement qu'elle pourroit desirer pour la gloire de Dieu, & le bien public; Ainsi vous diriez que par vne heureuse rencontre, qui n'est pas sans le conseil de Dieu. Sa premiere commission dans Loudun a seruy de prelude à la seconde, & que tandis qu'il demolissoit vne Citadelle de l'heresie, il se preparoit pour ietter par terre vn bouleuare de la Magie.

A cette puissance politique se joignit incontinent l'Ecclesiastique; Car Monsieur l'Euesque de Poitiers, qui (comme il est plein de bonté), ne pouuoit regarder ces creatures affligées sans vn extrême douleur de son ame: Auoit ordonné le remede des
exorcismes

exorcismes pour leur deliurance ; mais c'estoit comme celuy qui veut dessecher le ruisseau, sans tarir la source : car tandis que les vns trauailloient à l'expulsion des Demons par l'ordre de l'Eglise, les autres trauailloient à l'immission par les malefices, ioint aussi qu'il estoit necessaire de iustifier premierement l'innocence de ces filles, & les sauuer de la calomnie, afin que l'Eglise agist avec plus d'eclat, & que la grace de Dieu ne fust pas ignorée: cette nouuelle commission resiouyt tous les gens de bien & fit gronder l'enfer, & Mr. l'Euesque de Poictiers s'en est vtilement serui pour faire guerre ouuerte aux demōs par son auctorité Ecclesiastique, tandis que Monsieur de Laubardemont a employé l'authorité du Roy contre les Magiciens. Ainsi ces deux puissances se donnant les mains font vn feu Saint Elme qui appaise les orages, & nous ramene la bonnace d'une tranquillité publique.

Cette tranquillité pourtant, quoy qu'elle ait retiré les innocens du naufrage, nous laisse encore la mer agitée, & nous entendons siffler à nos oreilles les sinistres iugemens qui courent par le monde touchant cette affaire : ce qui nous fait croire qu'Eole n'a pas retiré tous les vents dans ses prisons, mais comme vn

grand calme n'est pas quelquefois moins perilleux que la tempeste, & que les petits vents seruent pour aller viste sans peril; aussi estimons-nous que tous ces bruits, ces factums & libelles qui offensent ces deux puissances ne seruiront à la fin que pour voguer plus heureusement à la descouuerte des crimes, & pour vne plus ample manifestation de la verité.

En toute cette affaire il n'a esté question que de s'asseurer de deux choses: la première, si le mal arriué à ces filles est vraye possession: la seconde, si c'est Grandier qui en est l'autheur. Les preuues manifestes de ces deux faiçts sont les deux poles sur lesquels la Iustice a roulé dans son Ciel d'un mouuement regulier & vniiforme capable de donner autant d'admiration que de satisfaction à ceux qui le voudront considerer sans interest & sans ialouzie: mais ie ne m'estonne pas si les mesmes choses qui seruent de baze & de pied d'estal à la pieté & à la iustice sont à plusieurs des pierres d'achoppement & de contradiction, puis-que Iesus-Christ luy-mesme n'a peu seruir à la resurreçtion des vns, que par occasion il n'ayt esté à la ruine & scandale des autres.

Pour ce qui est du fait de la possession, ie ne voudrois que le simple raisonnement d'un esprit non preoccupé pour fermer la bouche à la

calomnie, & faire voir que ceux qui la baptisent du nom de fourbe pechent ou contre la raison ou contre la conscience : car ie vous prie, comment est-il possible qu'un nombre de filles religieuses (sans parler des seculieres) routes de bonne maison, qui ont esté soigneusement nourries & esleuées à l'honnesteté & à la pieté, soient deuenues fourbes du iour au lendemain, & soient passées d'une extremité à l'autre, sans que les violences & les contraintes ayent iamais paru dans leur naturel & dans leurs bonnes habitudes?

Mais à vostre aduis, quelle fin se font-elles proposées pour iouër vne si estrange tragedie, & quel fruit ont-elles esperé moissonner de leur fourbe pretenduë? Est-cel l'honneur & la reputation? non: car c'est ce qui les a descriées, & sans le secours du Roy & de l'Eglise leur pretenduë fourbe eust esté le tombeau de leur honneur & de leur vie? Est-ce pour en tirer salaire, comme font ces charlatans, à qui on casse les os pour leur faire faire des tours de souplesse? Cette pensée blessel'esprit, & ces pauvres filles auroient mal revissi en leur fourbe, puis-que c'est par cela mesme qu'elles sont decheuës du bon estat de leur maison dans vne extreme necessité? Est-ce pour acquerir les bonnes-graces de leurs parens? tant s'en faut,

c'est ce qui leur a fait oublier le naturel qu'ils deuoient auoir pour elles: & ce mot de possession de diable les a escartez de leur maison comme d'un lieu pestiferé, ou bien comme si ce mal deuoit apporter avec soy l'abandon de Dieu & des hommes. Est-ce point quelque haine qu'elles eussent conceuës contre Grandier? Nullement: car elles ne l'auoient iamais veu, & ne s'estoit meslé d'aucunes de leurs affaires, où elles eussent peu prendre occasion de déplaisir. Et iamais Grandier, quelque diligente recherche qu'il ait peu faire, n'a trouué contre elles aucun sujet de reproche pour esluder l'action intentée contre luy, au sujet de leur malefice: & de plus, depuis la mort de Grandier leur mal ne cesse pas.

Quoy donc, quel motif peut auoir porté ces filles à jouer ceste fourbe? Si ce n'est pas leur propre intérêt, est-ce point celuy d'autrui? Beaucoup moins. Et iamais un homme de bon sens n'estimera qu'en vne affaire si perilleuse, & qui se doit terminer par le malheur de quelqu'un, elles ayent eu plus de charité pour autrui que pour elles-mêmes: Mais quelle ineptie plus grande que celle qui est couchée dans le Factum de Grandier, que ces filles sages au reste, & qui sçauent en quoy elles se doiuent soumettre aux Confesseurs, & en quoy non,

ayent eu vne charité si exorbitante pour leur Confesseur le S^r Mignon (ennemy pretendu du Curé) que pour luy complaire, & pour cōtenter sa passiō, elles se soient oubliées iusques à ce point, que d'apprester à Dieu en leurs personnes vn sujet de son indignation, tramant la mort d'un innocent par des inuentions si pernicieuses, & au monde vn spectacle d'horreur & de misere, ou bien de risée & de confusion?

Vne personne de mauuaise foy en voudroit-elle faire autant, & si long temps, pour l'esperance d'une Monarchie, ou de quelque grande felicité, que ce que la malice a voulu attribuer à la simplicité de ces filles pour vn particulier dont elles se pourroient passer, & dont elles se sont passées depuis vn an? Est-il possible qu'elles n'ayent pas sceu que les fourbes, & sur tout celles qui sont entreprises pour faire mourir les innocens, sont des enormes pechez? Et si elles l'ont sceu, comment n'en ont-elles eu quelque remord de conscience, sinon toutes, au moins quelques-vnes d'entre-elles? Que si elles en ont eu, comment ne l'ont-elles déclaré depuis deux ans, veu qu'elles ont changé de Directeurs & de Confesseurs, & mesmes qu'elles ont esté sequestrées, recherchées, &

examinées en toutes les manieres possibles ?

Ne dira-on point que la crainte d'auoir commencé le mal , les a obligees de le continuer ? mais quoy estant vn si grand nombre de filles , & toutes de bonne maison , ne se pouuoit-il trouuer de voye pour les faire sortir de ce labyrinthe où elles s'estoient engagees , & faire estouffer doucement ce bruit de possession , qui ne commençoit qu'à naistre dans le possesseur de l'innocence qui estoit debatue par Grandier ? ou si l'honneur de Grandier eust esté si exquis qu'il eust merité qu'on luy eust sacrifié la vie du sieur Mignon , qu'ils pretendent autheur de la fourbe , n'y auoit-il pas moyen de faire tomber la foudre sur sa seule teste , & tirer du crime ces filles si bien apparentees par les raisons de leur simplicité , & de leur deuotion mal gouuernee par celuy qui en auroit voulu abuser à son aduantage , qui sont les causes mesmes portees par le *factum* de Grandier.

Dauantage comment ont-elles vsé de si peu de retenue & de circonspection en la conduite de leur mauuais dessein , que voulant iouer vne farce criminelle & digne des plus cruels supplices , à la face de toute la France ; Elles se sont laissees voir indifferemment à tous ceux qui ont approché de leurs parloirs ,

Interroger par des esprits les plus clair-voyans, & se sont mises à la censure de tous ceux qui ont voulu les aboucher : ne deuoient-elles point craindre qu'estant vn si grand nombre, & considéré qu'elles estoient des filles, & des filles de différentes humeurs que quelqu'une d'entre-elles vint à se laisser surprendre, à s'entre couper en ses discours, & decouvrir le secret estant interrogees avec tant de finesse, & faisans leurs responcez avecques trop de simplicité? Ne seroit-ce pas vn miracle en faueur du crime, que tant de filles Religieuses, & seculieres, ensemble ou separees n'eussent iamais bronché de la langue deux ans durant parmy toutes ces rencontres, veu que les plus raffinez criminels ont bien de la peine avec tous leurs artifices de se garantir de surprise & de contradiction quand ils sont interrogez par leurs Iuges?

Que si l'enuie n'est contente de ces raisons, passons outre, donnons luy que le mal de ces Religieuses est vne fourbe: qu'elle me die donc maintenant qui est le charlatan qui leur a appris à toutes, en si peu de temps à faire tant & de si effroyables contorsions que plus de trente Medecins les ont iugees par dessus la nature? & en quelle echole d'athees & de libertins ont-elles esté pour apprendre à vomir de si horri-

bles blasphemes, & crachertant de vilainies?

Elles auroient appris en vn iour tout le mal que sçauent les hommes perdus dans les plus grandes débauches, & les femmes les plus abandonnees. Helas! que ces iugemens peruers font vne griefue iniure au naturel, au sexe, à la profession & à la vertu de ces filles, de vouloir quelles ayent passé d'un plein saut de tout ce que la nature & la grace ont mis de bon en elles, dans vn estat d'impieté, de sacrilege & d'ordure, non pour autre fin que pour agréer à vn Confesseur: qui ouyt iamais parler d'une telle iniustice? que si l'honneur des personnes est ainsi exposé en proye à ces censures, quelle difference y aura-il entre l'innocent & le coupable?

Mais patience, Dieu qui est leur protecteur, leur donne avec abondance sa grace & son Esprit, qui sont les meilleures pieces qu'elles ayent pour iustifier leur innocence; Car qui n'admirera que dans ces rages perpetuelles que les demons exercent contre leurs corps, iamais elles ne se sont diuisees ny des-vnies des liens de la charité, iamais elles n'ont discontinué leurs obseruances, ne rompu les exercices de leur communauté, visitez-les en particulier quand elles ont de bons interualles, vous verrez des Religieuses sages, modestes, qui trauaillent
de la

de la main à quelque ouurage, ou à filer deuant vous, qui prennent plaisir d'entendre parler de Dieu & d'apprendre les moyens de le bien seruir, elles font leur examen de conscience, se confessent exactement & communient quand elles ne sont point agitées, avec autant de paix & de repos d'esprit que si elles n'estoient point possédées; ce sont de vrayes filles d'Israël que Dieu retient pour vn temps sous la tyrannie de Pharaon, afin de donner vn exemple admirable de patience, d'humilité, & de resignation à plusieurs qui en ont besoin.

Je ne veux icy obmettre vn traict de sa providence, pour faire voir au monde que leur mal n'est ny fourbe ny folie; mais vne calamité qui ne les empesche pas de l'aymer & de le seruir; ains plustost qui les oblige de s'vnir plus estroitement à sa diuine bonté, de laquelle dépend toute leur consolation & le soulagement de leurs peines: C'est que depuis deux mois, trois filles huguenottes, deux desquelles sont sœurs & d'une des bonnes familles de Loudun, attirées par l'exemple de leur vertu, & singulierement par l'admiration de leur patience & de leur courage à souffrir avec ioye tant de maux, illuminées en leurs ames d'une lumiere du Ciel, se sont venues ietter entre les bras de ces pauvres possédées pour estre Ca-

tholiques & Religieuses tout ensemble, sans que les agitations qu'elles souffrent les ayent espouuantées, ny les blasphemes & vilenies que les diables proferent par leurs bouches les ayent scandalizées, qui ne benira les larmes aux yeux la dextre du Tres-haut, & les miracles de sa bonté en faueur de ceux qu'il ayme, & qu'il tient plus chers que la prunelle de ses yeux? Le ferme donc ceste consideration, par ce que j'ay dit que quiconque accuse ces filles d'estre fourbes & folles peche griefuement contre la raison ou contre la conscience, & selon les loix: Celuy qui accuse autrui d'un crime ou d'un defect notable sans preuues, merite d'estre puny de la peine de Talion.

Que si la raison a de l'horreur d'appeller fourbe vn mal qualifié de tant de circonstances, comment pourra-elle d'un autre costé resister aux preuues qui l'obligent à croire que c'est vne veritable possession? Le Roy ayant tesmoigné le zele qu'il a eu de s'esclaircir de ceste affaire, & Monseigneur le Cardinal de Richelieu ayant pris vn soin particulier du soulagement de ces filles affligées. Monsieur de Laubardemont a eu ceste prudence que iamais il n'a fait aucune procedure pour la preuue de possession, & pour l'instruction du

proces, qu'il n'en ait plainement informé sa Majesté & Monseigneur le Cardinal, iusques aux exorcismes de chaque iour, ausquels il a tousiours assisté, & qu'il a recueillis de sa main avec vne patience & perseuerance n'ompareille.

Et Monsieur l'Euesque de Poitiers ce pieux & sçauant Prelat, que tout le monde respecte pour ses rares qualitez, a estably l'ordre des Exorcistes, & considerant qu'un Medecin ne pouuoit suffire à tant de malades, il a introduit dans cet employ charitable & associé au Pere Recolet, les Peres Capucins, & les Peres Carmes, disposant les Eglises de la ville pour cet effect, vne pour le Pere Recolet, vne autre pour le Pere Carme, & deux pour les Peres Capucins, & a pris la peine d'assister ses ouuriers avec vne vigilance vrayement Pastorale, afin de les encourager en leur travail par sa presence, & de leur donner benediction par la saincteté de son caractere,

Il ne faut point d'autres preuues de possession à ceux qui ont l'honneur de le connoistre, que de sçauoir qu'il la croit, qu'il la presche, qu'il la publie, & qu'il en a donné vn tesmoignage solemnel par escrit, & n'est pas mesmes iusques à des Huguenots bien sensez qui la croient, fondez sur cette raison que

Monsieur l'Euesque de Poictiers est vn Prelat trop sage & trop aduisé pour se laisser surprendre à des fourbes.

Le sacré College de la Sorbonne, l'oracle des sciences diuines, que l'on ne peut contredire sans temerité, n'a pas voulu dénier à la verité, l'approbation qu'elle merite; car il a donné son attestation, par laquelle estant deuëment informé des marques que l'Eglise requiert, il a déclaré que le mal des Vrsulines de Loudun est vne veritable possession. Apres ces chefs de preuues suffisantes pour establir vne creance certaine entre les hommes, sont venus en foule grand nombre de Theologiens, Prestres, Religieux de tous les Ordres, entre lesquels des Peres Iesuites, des Peres de l'Oratoire, n'ont pas seulement esté conuaincus pour croire la possession; mais leur charité mesme leur a faict desirer de pouuoir prendre part en cét employ.

Quant aux signes de possession, ceux qui se font au corps, & consistent en agitations & contorsions, il y en a tant & de si estranges, que plus de trente Medecins ont donné attestation qu'ils surpassent la nature, sans conter ceux qui sont venus en suite, & qui ont confirmé le tesmoignage des premiers par ce qu'ils ont veu; & est digne de remarque, que depuis qu'elles

sont possédées, pas vne n'a esté malade d'autre maladie, quoy que quelques vnes d'entre elles auparauant la possession, fussent infirmes & souuent alitées, & c'est vn soin de la prouidence de Dieu de ne mesler point en ce genre de maladies, le naturel avec le surnaturel, afin que l'on puisse sçauoir à quels Medecins il faut s'adresser pour trouuer les remedes. Les autres signes qui se font dans les puissances intérieures, & qui touchent l'esprit, sont en tres-grand nombre & se multiplient tous les iours, cinq cens personnes sans parler du reste, entre lesquels ie mets les Iuges commis par le Roy pour faire le procès à Grandier, ie mets d'autres Officiers de Iustice venus de diuers endroits, des Gentils-hommes, des Dames, en fin des personnes de condition & non suspects, tesmoigneront que les possédées ont déclaré les choses occultes, ont obey aux commandemens qui leur estoient faits en secret, & souuent elles estans absentes quand on leur commandoit, qu'elles respondent au Latin le plus difficile qui s'apprenne dans les Escholes, qu'elles ont respondu diuerses fois aux interrogations faites en Grec, en Espagnol, Italien, Turc, Topinamboul, & de ces signes il y a des attestations.

Que peut-on ie vous prie desirer d'auanta-

ge pour establir la creance d'une verité parmi les hommes, si apres tout cela il faut contester, ie ne sçay plus qu'elle sorte de verité sera sans reproche, il faudra bruster tous les Liures qui contiennent les histoires des siecles passez, & dresser des Escholes des Pirrhoniens afin de reuocquer en doute les plus claires veritez, & faire profession de ne croire que ce que nous auons veu de nos yeux au preiudice de la foy publique, ainsi qu'ont fait plusieurs lesquels estant venus voir les merueilles de Loudon, si d'abord les Diabes ne leur ont donné des signes tels qu'ils ont demandé, ils s'en sont allez mescontans, & ont accru le nombre des incredules, nonobstant les tesmoignages irreprochables que leur rendoient vne infinité de notables personnes, ils auoient raison sans doute de s'offenser du peu de ciuilité & de courtoisie de ces Diabes qui n'auoient pas eu esgard à leurs merites & à la qualité de leurs personnes; mais si la plupart de ces gens là eussent recherché leur conscience, peut estre eussent-ils trouué que la cause de leur mescontentement venoit de ceste part, & qu'ils deuoient plustost s'irriter contre eux mesmes par vne bonne penitence, & non pas apporter des yeux curieux & vne conscience vicieuse pour s'en retourner incredules: Voila

pour le point de la possession.

Resteroit maintenant à faire voir que c'est Grandier qui a esté l'auteur de ce malefice; mais il faudroit coucher le procès tout entier, ce que ie n'ay pas entrepris de faire: Je diray seulement en general que nous auons toutes les marques & les coniectures qui nous peuvent asseurer de la iuste procedure de Monsieur de Laubardemont & de Messieurs les Iuges commis à son procès; dequoy tous les gens de bien ont vne singuliere obligation au Roy & à Monseigneur le Cardinal, pour le choix qu'ils ont fait des personnes, en qui la pieté, la verité, & la iustice se sont également rencontrées en vne cause, où il y alloit de l'interest de Dieu & du Roy.

Monsieur de Laubardemont estant arriué de la Cour avec sa commission, a eu tousiours vn soin tres particulier de suiure en cette affaire d'importance l'esprit de Dieu & du Roy, ausquels seuls, pour ce regard, il est contable de ses actions: Et pour tesmoigner comme il estoit bien muny de ce double esprit, apres qu'il eut clairement reconnu le crime de Grandier, au lieu de le traiter en Iuge, il le voulut traiter en Pere, & s'efforça par toutes voyes legitimes de la charité Chrestienne de le ramener à son deuoir, comme il luy dist en

la prison vne heure deuant qu'on le mena au supplice, où avec des paroles tendres, les larmes aux yeux, il le fist souuenir de tout ce qu'il auoit fait pour le sauuer, & de l'inclination qu'il auoit tousiours eüe pour luy, sans que le-dit Grandier respondist autrement que par vn adieu.

C'estoit bien là commencer sa charge de mettre dans vn des plats de la balâce, la douceur & l'humanité pour seruir de contrepoids à la seuerité de la iustice, laquelle n'est iamais bonne si elle ne vient de la nature du crime qui le merite, & non de la passion du Iuge qui l'ordonne. Tout au contraire, considerant qu'il estoit question d'un crime de malefice commis contre les Religieuses Ursulines & autres filles : Il iugea que dans vne matiere si espineuse, abstruse & difficile, qui tient autant de la region d'enfer que de la republique de ce monde, il falloit vser de rigueur enuers ces filles : C'est pourquoy il commença ses informations avec vne si grande rigueur, qu'il eust quasi semblé que c'estoient elles-mesmes qui estoient les magiciennes & Grandier le maleficié; & sa procedure enuers elles n'eust pas esté pleinement iustificée, sinon dans le dessein qu'il auoit de separer le vil du precieux, & de discerner entre le
vray

le vray & le faux afin de rendre l'effect de sa cōmission irreprochable aux yeux de son maistre LOUIS LE IVSTE, il les fait donc sequestret, les void les vnes apres les autres par plusieurs iours, les entend parler afin de remarquer les mouuemēts de leurs esprits; il fait vne diligēte recherche de leur vie & mœurs, & de leuts contporemens tant au siecle que dans la religion, & tout cela si exactement qu'il sembloit outrepasser son pouuoir iusques a dōner de la ialousie au tribunal de la cōscience: Ses informations qui contiennent l'audition de vingt filles, il les a faittes avec tant de prudence & de maturité que tous les iuges d'un commun accord ont admiré ce trauail & dit qu'ils n'auoient iamais rien veu de pareil. & qu'outre la bonté de son esprit il auoit esté aidé de Dieu d'une grace speciale pour faire ceste piece, laquelle les Rapporteurs ont dit a des personnes dignes de foy ne pouuoir abreger pour en prendre seulement les raisons, & qu'ils seroient contrains de la rapporter toute entiere, quoy qu'elle remplisse cinquante roles de papier de conte d'autant qu'il n'y auoit rien de superflu ne d'inutile & que toutes les paroles seruoient a la pleine cognoissance du procez.

Ie ne parle point de ses autres procedures qui sont toutes conformes a celle-cy, comme il se verra dans le procez, ie ne touche point l'exemple qu'il a donné de la vertu & de sa deuotion, son humilité ne m'en scauroit pas gré c'est assez qu'il a esté tel que les enuieux n'ont rien a luy reprocher; & que les gens de bien ont tousiours creu quel Arrest qui seroit donné en suite de telles procedures seroit plein de justice, & qu'il mesmes il luy manquoit quelque lumiere pour voir clair en ce procez du costé des preuues (ce qui n'est pas) Dieu ne manqueroit iamais en vne affaire de si grande

importance de suppléer à ce défaut par quelque secours extraordinaire.

Qui ne s'estonnera encore de sa patience qui l'a réduit assidu à tant d'exorcismes, & de sa fidelité à escrire de sa main, & à faire escrire tout ce qui s'y est passé de remarquable. Il faut aduouër que c'est vn travail prodigieux, lequel il a entrepris non tant pource qu'il eust défaut de preuues d'ailleurs, comme pour ne rien laisser qui peust seruir à la gloire de cette action: car il n'a point eu besoin de ces tesmoignages tirez des diables par la force des exorcismes pour condâner Grandier au feu, ni mesme pour le condamner de magie en ayant assez d'autres reëls & naturels, auxquels ceux-cy n'ont seruy que d'accessoire.

De sçauoir si on se peut seruir de la deposition des diables adiurés legitiment par l'Eglise, & s'ils disent verité: ie ne touche point cette matiere, le renuoye le lecteur à vn petit imprimé à Poictiers qui a esté fait depuis peu, qui porte en tiltre, *Briefue intelligence de l'opinion de trois Docteurs de sorbonne, & du liure du Pere Birette touchant les Diables exorcisez*: seulement ie diray en passant, Que iamais les diables n'ont voulu iurer vn mensonge estans adiurez sur le S. Sacrement: & ont declaré ne l'auoir iamais fait: Dieu ne le permettant pas. Adiouſtons, que l'on ne sçauoit leur auoir produit vn exemple du contraire: mais bien dauantage vne chose qu'ils s'estoient efforcé de faire croire verital le dans les exorcismes à la descharge de Grandier estans adiurez de confirmer ce qu'ils auoient dit sur le Sainct Sacrement iamais ils ne l'ont voulu faire, & se sont retractés avec des contraintes non pareilles: Et vn de ces diables accusant l'Exorciste d'estre luy mesme magien: l'Exorciste luy ayant dit qu'il passeroit pour

tels'il le disoit estant adiuré sur le saint Sacrement de dire verité, il ne voulut iamais passer outre, & fut contraint de se dédire.

Monsieur de Laubardemont ayant ainsi conduit le procez à son poinct par les voyes Royales de la iustice & de la pieté, les Iuges commis par le Roy sont arriués, toutes personnes tres habiles & capables d'une telle affaire, choisis expres de diuers endroits & hors de connoissance, afin d'euitier toute apparence de conniueuce ou de collusion: Ainsi la Decise Iustice est venue dans Loudun le bandeau dessus les yeux avec ses armes ordinaires L'épée & la Balance pour pronôcer vn arrest contre l'enfer & contre la noire magie.

Ie ne veux icy que le tesmoignage des enuieux & des interellés afin qu'ils me dient en leurs conscience le sentiment qu'ils ont eu de ce corps de Iuges souuerain pour ce regard, & ie m'assure qu'ils m'aduoueront que les saintes dispositions qu'ils ont apportées pour le iugement du proces leur ont osté tout supçon qu'ils eussent peu auoir cont'e leur integrité, mais ils leur ont augmenté la peur & les ont iettés dans le desesper ne pouuant attendre ny esperer de tels Iuges l'impunité des crimes.

Ce Senat auguste (puis que en ce fait il estoit souuerain) composé de quatorze Iuges, se representoit que le Roy en honorant chacun d'eux les auoit oneres d'une affaire qui attiroit les yeux de toute la France, voire de toute la Chrestienté, & qui sembloit enuelpée de mille difficultés, & dont le succès tiroit à de grandissimes consequences: c'est pourquoy tous d'un aduis proposerent de s'adresser à Dieu premierement qui est la source de lumiere & de verité: ainsi chacun d'eux se prepare par la confession & communion souuerain

reiterées pour receuoir la grace & l'assistance du Ciel: ils donnent entrée à cette action par vne procession generale, où tous en corps ils sont les premiers à exciter le peuple à deuotion par leur exēple, ils continuent toutes les Festes & Dimanches pēdant le Iugement du procez à visiter en corps les Eglises de la ville, & la faire descourir le S. Sacrement, faire chanter avec solemnité vne messe du S. Esprit avec la Predication, faisant prieres publiques & feruentes à ce qu'il pleust à Dieu les conduire en cette affaire & les illuminer de son Esprit pour rendre la Iustice à qui elle appartient selon l'intention de sa Majesté, & le deuoir de leurs consciences. Qui est ce, je vous prie qui se pourroit d'effier d'un mauvais Iugement de ces Iuges d'Israel auxquels Iesus Christ à departi de son S. Esprit pour Iuger en équité la cause de son peuple: Ainsi par tout on a veu durant le procez la Iustice & la pieté s'entrebaïser & on a esperé de tels Iuges un Arrest du Ciel, puis que ils estoient autant dans le Ciel par leur feruente deuotion, que dans la terre par l'exercice de leur charge.

Aussi l'heureux succès a respondu à leurs vœux; car nonobstant la rage & les efforts des demons qui les menaçoïent de diuision, ils ont esté dans vne parfaite intelligence pour l'ordre de leur seance & dans vne sainte vnion que le Saint Esprit auoit formée entre eux, si bien que par vne merueille de sa grace, & par un trait signalé de sa prouidence pour vne pleine satisfaction qui ne demandoit en cette affaire que la gloire de Dieu: tous ces Iuges qui ne s'estoïent pour la plus part iamais veus ni conneus qu'en ce lieu se sont trouués d'un mesme aduis au iugement du procez, sans qu'aucun ayt varié ni au genre de mort, ni aux circonstances comme si Dieu eust luy mesme prononcé l'Arrest dans

le Ciel & qu'il le leur eust enuoyé affin d'estre signifié aux hommes par leur bouche. Et de vray pour vne marque évidente que la main de Dieu les conduisoit: au mesme temps qu'ils eurent opiné ils demeurèrent tous remplis d'une consolation interieure, & d'une pleine satisfaction en leur conscience.

Vne seule disgrâce a trauersé cette satisfaction: c'est que le Magicien a qui monsieur de Lauberdemont auoit donné deux Peres Cappucins vn mois deuant le iugement du procez à fin de le disposer à vne vraye conuersion, n'a pas monstré en sa mort des signes de vraye penitence. Il est vray que la conuersion d'un magicien n'est pas au rang des graces ordinaires & de cent magiciens il y en a quatre vingts dix neuf qui meurent obstinés, & le centiesme encore ne se conuertit: a iamais que par vne grace miraculeuse: que Dieu ne s'oblige pas de produire en tous lieux & particulièrement en ceux qui l'ont renoncé avecq tous les moyens de leur salut pour se liurer au Diable corps & ame ainsi que font les magiciens. Je ne m'estonne donc pas de son inpenitence, ni de ce qu'il n'a point voulu confesser sa magie à la question ne ailleurs, car on sçait bien que les magiciens & sorciers font promesse au diable de ne confesser iamais ce peché & il leur endureit le cœur d'une telle sorte qu'ils vont à la mort stupides & tout à fait insensibles à leur malheur.

Tous ceux qui ont veu Grandier depuis que son Arrest luy fut prononcé ont esté autant confirmez en la creâce qu'il estoit magicien, parce qu'ils ont remarqué comme par sa condamnation: Car premierement dans la question on a remarqué que iamais il n'a réclamé le Nom de Iesus ny de Marie, quoy que ce soit dans ces

accessaires où les ames qui ont quelque religion se sou-
 uiennent de Dieu : il ne ietta jamais la veue sur vne
 Image de Iesus Christ ny sur vn autre de la Vierge qui
 estoient deuant luy, quoy que lon les luy representast
 dont les Iuges mesmes luy firent remonstrance : il ne
 put jamais dire la priere que tout bon Chrestien adres-
 se à son bon Ange, & confessa qu'il ne la seauoit pas :
 ce qui est fort étrange en la personne d'un Prestre &
 d'un Curé qui se mesloit de prescher. Iamais il ne ietta
 vne larme dans la question ny apres, non pas mesmes
 quand on l'exorcisa de l'exorcisme des magiciens, &
 que le Prestre luy dit plus de cinquante fois *præcipio vs*
sis innocens effundas lachrymas, les yeux luy demeure-
 rent secs & affreux comme auparauant. Il a confessé à
 la question qu'il auoit commis des crimes plus grands
 que la magie, mais non la magie : & quand on luy de-
 manda quels crimes, il dit que c'estoient crimes de
 fragilité : ce qu'il disoit hors des douleurs & sans estre
 troublé : çômme en effect il ne parut aucunement trou-
 blé, mais bien dans vn esprit heurté, qui ne parloit que
 de son innocēce & des commodités de son corps, & de
 Iesus Christ point, si ce n'est quand il y estoit prouoc-
 qué, encore c'estoit avec vne mine froide, & vne con-
 tenance fort contrainte. Quand on luy parla de se con-
 fesser en la Chambre de la question il dit qu'il n'en
 auoit pas besoin, qu'il n'y auoit que trois iours qu'il
 s'estoit confessé, qu'il feroit pourtant ce qu'on vou-
 droit. Estant porté dans la Chambre du Palais, où les
 Peres Capucins commencerent de l'assister, il repoussa
 rudement de la main vn Crucifix qu'un des Peres luy
 aprocha, & dit quelque chose entre les dents que l'on
 n'entendit pas. L'Exempt du Roy & ses gardes virent
 cette action qui les scandalisa fort, & dirent au Capu-

ein qu'il ne deuoit plus luy presenter le Crucifix puis
 qu'il l'auoit reietté. Il ne porta iamais la vëüe sur la
 Croix, & ne pria Iesus Christ ne la Vierge sinon lors
 que l'on luy suggeroit la priere. Au lieu d'escouter ce
 qui touchoit le bien de son ame, il faisoit des discours
 meditez comme s'il eut presché, & tous reuenoient
 au soulagement du mal de ses iambes, de ce qu'il auoit
 froid à la teste, à demander à boire & à manger, & à ce
 que l'on ne le bruslat pas tout vif. Il ne se recommanda
 iamais aux prieres de qui que ce fut, ni au suplice ni
 deuant, il paroissoit dans le chariot avec vne mine
 orgueilleuse, vn visage qui ne tesmoignoit aucun de
 plaisir & qui se mocquoit de tout: estant arriué à son
 suplice les Peres le pressoient avec les paroles les plus
 feruentes & amoureuses qui leur estoit possible, de se
 conuertir à Dieu en ce moment, & luy portoient quasi
 comme par force & a l'ennuy le crucifix sur la bouche
 & sur l'estomach: & cependant il ne daigna le regarder,
 & vne fois où deux il detourna sa face ne priant
 d'autre chose sinon que l'on ne le fit pas bruslé tout
 vif & mettant la main sur sa poitrine protesta qu'il ne
 diroit autre chose que ce qu'il auoit dit. Et comme il
 vit le feu aux quatre coins du bucher il commença à se
 plaindre que l'on ne luy tenoit pas ce qu'on luy auoit
 promis: Alors le Bourreau s'efforça de l'estragler: mais
 il ne peut, de sorte que la corde ayant bruslé il tomba
 vif dans ces flames. Voila la fin de cet homme que ses
 partizans proclament innocent du crime de magie
 pour ce qu'il ne l'a pas aduoué, comme s'il n'estoit ia-
 mais mort de magiciens: voire d'autres criminels qui
 n'ont pas aduoué leur crime. Il se glorifioit fort d'auoir
 enduré la question sans rien confesser & obiectoit ce-
 la pour preuue de son innocence. Mais s'il y-a de l'in-

nocence à n'adiouer pas son crime à la question, il y a à ce conte beaucoup de vrais criminels qui sont innocens. En fin cette dernière tragedie de sa vie a tellement iustificié son innocence pretendue que tous ceux qui ne l'auoient iamais yeu ne conneu; & qui assisterent à sa mort & peurent entendre ses discours & considerer sa mine & sa contenance furent tellement scandalisés de luy qu'ils ont dit hautement qu'ils ne vouloient point d'autre preuue pour croire qu'il estoit vn franc magicien qui mouroit comme il auoit vescu: & louoient l'equite de Messieurs les Iuges d'auoir osté cet homme d'entre les viuans: Et comme il ne montrait de sa part aucune tendresse de cœur, aucun sentiment de Dieu ni de sa conscience, & qu'il ne versoit aucune larme: Aussi plusieurs s'estoñoiet & mesme les Dames & Damoiselles qui sont plus tendres de cœur, de ce que le voyant bruller, elles ne pouuoient exciter en elles aucun mouuement de compassion. Voila lecteur les premices de l'histoire qui se vera en son temps, où tu vois comme Dieu a conduit cet œuure à la gloire de son Eglise qui triomphe del'enfer aussi bien par la Iustice du Roy que par les armes de son autorité.

FIN.